



SCÉIM THEAGMHÁLA BAILE SCOILE AGUS AN PHOBAIL

Sannachán Chomhordaitheoirí Teagmhála Baile Scoile agus an Phobail laistigh de scoileanna DEIS



Chuig: Údaráis Bhainistíochta Bhunscoileanna, Mheánscoileanna, Phobalscoileanna agus Scoileanna Cuimsitheacha Aitheanta agus chuig Príomhfheidhmeannaigh Bhoird Oideachais agus Oiliúna

1. Aidhm na hImlitreach seo

Ordaíonn an tAire Oideachais agus Scileanna duit na rialacháin agus nósanna imeachta atá san Imlitir seo a fheidhmiú maidir le sannachán Chomhordaitheoirí Teagmhála Baile Scoile agus an Phobail laistigh de Scoileanna DEIS (DEIS Uirbeach Banda 1 agus 2 agus Iar-Bhunscoile).

Tá na rialacháin agus nósanna imeachta le cur i bhfeidhm ag gach Fostóir le feidhm ó **1 Samhain, 2013**. Ní mór do mhúinteoirí incháilithe uile cloí le téarmaí na hImlitreach seo.

Gabhann an Imlitir seo in ionad na dtreoirínte agus comhfhreagras uile roimhe seo maidir le sannachán Chomhordaitheoirí Teagmhála Baile Scoile agus an Phobail.

2. Scaipeachán na hImlitreach seo

Déan cinnte, le d' thoil, go dtugtar cóip den Imlitir seo chuig baill uile an Bhoird Bhainistíochta/an Bhoird Oideachais agus Oiliúna. Ba chóir aird na múinteoirí uile id' fhostaíocht, lena n-áirítear iad siúd atá ar chead neamhláithreachta, ar an Imlitir seo freisin.

Is féidir an Imlitir seo agus an "Leabhrán Eolais do Scoileanna DEIS ag glacadh páirt sa Scéim Theagmhála Baile Scoile agus an Phobail" (lena n-áirítear leaganacha Gaeilge) a rochtain ar shuíomh gréasáin na Roinne faoi www.education.ie.

3. Comhlíonadh

Tá leithdháileadh agus coinneáil na bpost Teagmhála Baile Scoile agus an Phobail do scoileanna DEIS ag brath ar scoileanna ag cloí le hábhar na hImlitreach seo.

Maidir leis seo, meabhraítear do scoileanna, d'fhonn páirt a ghlacadh in DEIS gur líon siad isteach agus gur shínigh siad Foirm Ghlactha a dúirt:

- go dtógfaidh an scoil na céimeanna uile atá riachtanach chun úsáid a bhaint as acmhainní a d'fhéadfaí a leithdháileadh faoi DEIS faoi réir phríomhfhorálacha, riachtanas agus aidhmeanna Phlean Gníomhaíochta DEIS na scoile.

- go ngeallann an scoil freisin cloí le coinníollacha breise ar bith a d'fhéadfadh an Roinn Oideachais agus Scileanna a chur i bhfeidhm ó am go ham maidir le DEIS nó beartas ar bith eile faoi Phlean Gníomhaíochta DEIS na scoile.

Caitriona O'Brien
Príomhoifigeach
Aonad um Chuimsiú Sóisialta

1 Samhain, 2013

Mínithe

Do chúiseanna na hmlitreach seo beidh na cialla a shannaítear dóibh anseo ag na téarmaí seo a leanas ach amháin má thugann an comhthéacs a mhalairt le fios:

Ciallaíonn **TBSP** Teagmháil Bhaile Scoile agus an Phobail

Ciallaíonn **DEIS** Comhionannas Deiseanna a Sholáthar i Scoileanna (*Delivering Equality of Opportunity in Schools*)

Ciallaíonn **BB** Bord Bainistíochta

Ciallaíonn **BOO** Bord Oideachais agus Oiliúna

Ciallaíonn **Fostóir** Bord Oideachais agus Oiliúna i gcás ghairmscoileanna/choláistí pobail agus Bord Bainistíochta (BB)/Bainisteoir i gcás bhunscoileanna, mheánscoileanna deonacha, phobalscoileanna agus scoileanna cuimsitheacha. Féadfaidh an Bord Oideachais agus Oiliúna nó Bord Bainistíochta/Bainisteoir freagracht a tharmligeán as nithe a luaitear san Imlitir seo chuig Príomhoide na scoile

Ciallaíonn **BNLO** an Bord Náisiúnta um Leas Oideachais

Ciallaíonn **Scoilbhliain** an scoilbhliain mar a shannaítear ag an Aire Oideachais agus Scileanna ó am go ham ó am go ham, ag tosú faoi láthair ar 1 Meán Fómhair agus ag críochnú ar 31 Lúnasa gach bliain

Ciallaíonn **An Roinn** an Roinn Oideachais agus Scileanna.



Réamhrá

Is í aidhm na hImlitreach seo ná bainistíocht agus foireann na scoileanna uile DEIS Uirbeacha Bunscoile agus DEIS Iarbhunscoile a chur ar an eolas maidir leis an bpróiseas chun múinteoirí a shannadh mar as Chomhordaitheoirí TBSP agus na socruithe bainistíochta agus tuairiscithe TBSP i scoileanna DEIS. Tugann an Imlitir cur síos freisin ar na tréithe atá de dhíth ar an bpost TBSP post agus jabthuaisc/ról an Chomhordaitheora TBSP.

Ábhar na hImlitreach

Tá an Imlitir seo leagtha amach mar seo a leanas, agus an t-eolas seo a leanas inti:

Cuid a hAon:	Poist mar Chomhordaitheoirí TBSP i Scoileanna DEIS
Cuid a Dó:	Próiseas Sannacháin don Chomhordaitheoir TBSP
Cuid a Trí:	Coinníollacha Seirbhíse do phost an Chomhordaitheora TBSP
Cuid a Ceathair:	Sannachán chuig post an Chomhordaitheora TBSP
Cuid a Cúig:	TBSP - Socruithe Bainistíochta agus Tuairiscithe i Scoileanna DEIS
Cuid a Sé:	Tacaíocht airgeadais do scoileanna mar rogha ar sheirbhísí phost an Chomhordaitheora TBSP
Aguisín A:	Fógra Samplach do phost an Chomhordaitheora TBSP
Aguisín B:	Sonraí Teagmhála
Aguisín C:	Litir Shannacháin Shamplach do phost an Chomhordaitheora TBSP
Aguisín D:	Foirm Shannacháin do phost an Chomhordaitheora TBSP
Aguisín E:	Tréithe an Chomhordaitheora TBSP
Aguisín F:	Jabthuaisc/Ról an Chomhordaitheora TBSP
Aguisín G:	Ceisteanna Coitianta

Cuid a hAon



Poist mar Chomhordaitheoirí TBSP i Scoileanna DEIS

1. Leithdháileadh TBSP ar scoileanna

Poist lánaimseartha is poist mar Chomhordaitheoirí TBSP leithdháilte ar scoileanna DEIS (uirbeach agus iarbhunscoile). Leithdháiltear roinnt post TBSP ar bhonn comhroinnte idir scoileanna DEIS (i gcnuasghrúpaí) agus is féidir iad a chomhroinnt thar an dá earnáil: leibhéal bunscoile agus leibhéal iarbhunscoile.

Ní mór ball d'fhoireann/d'fhoirne teagaisc na scoile(anna) a shannadh chun dualgais teagmhála lánaimseartha a ghlacadh ar bhonn lánaimseartha amháin. Tá sé seo ann chun aon choimhlint leasa a d'fhéadfadh a bheith ann idir ról an mhúinteora agus an Chomhordaitheora TBSP a sheachaint.

Ina theannta sin, éilíonn an ról TBSP an tsolúbthacht chun réimse na ndualgas atá de dhíth ar an bpost a dhéanamh gan srianta amchláir.

2. Scoil bhunáite don phost TBSP

Measfar sa ghnáthchúrsa gurb í an scoil ina bhfuil an t-iarrthóir rathúil ag teagasc faoi láthair an scoil bhunáite do phost an Chomhordaitheora TBSP. Dá bhrí sin, measfar gurb í an scoil bhunáite Fostóir an Chomhordaitheora TBSP.

3. Tréimhse an tSannacháin do phost an Chomhordaitheora TBSP

Sannófar múinteoir do phost an Chomhordaitheora TBSP ar feadh **5 bliana**.

Is riachtanas é go líonfar post an Chomhordaitheora TBSP in uainíocht i measc na foirne incháilithe sa scoil/sna scoileanna gach 5 bliana.

Tugann sé seo an deis do na baill foirne uile incháilithe iarratas a dhéanamh ar fhreastal mar Chomhordaitheoirí TBSP d'fhonn léargas agus taithí a thabhairt dóibh ar an láthair ar mhíbhuntáiste oideachasúil. Tugann TBSP tuiscint d'fhoireann teagaisc ar chúlra, teaghlach agus saol phobal na leanaí a mhúineann siad.

Agus iad ag freastal i ról TBSP, leanann na Comhordaitheoirí TBSP uile de leas a bhaint as forbairt agus oiliúint inghairme chuí, chun cuidiú lena n-ullmhacht le filleadh ar dhualgais teagaisc.

Féadfaidh an Roinn an cnuasghrúpa ar a bhfuil an Comhordaitheoir TBSP ag freastal a athrú le linn tréimhse an tsannacháin seo.

Agus an tréimhse uasta 5 bliana a cheadaítear caite aige/aici sa phost, níl cead ag an gComhordaitheoir TBSP reatha athiarratas a dhéanamh láithreach ar phost an Chomhordaitheora TBSP. Ní mór do Chomhordaitheoir TBSP an post TBSP a fhágáil ar feadh tréimhse íosta 4 bliana sula mbeidh sé/sí incháilithe ar athiarratas a dhéanamh ar an bpost TBSP.

Cuid a Dó



Próiseas Sannacháin don Chomhordaitheoir TBSP

1. Riachtanais Incháilitheachta

Ní mór do mhúinteoirí a bheith profa go hiomlán agus **cláraithe go hiomlán** leis an gComhairle Mhúinteoireachta.

Níl múinteoir ionaid i dteideal iarratas a dhéanamh.

Ní mór d'iarrthóirí **trí bliana** ar a laghad de sheirbhís teagaisc cháilithe lánchláraithe a bheith acu.

Faoin Acht um Chosaint Fostaithe (Obair Téarma Shocraithe) 2003 agus an tAcht um Chosaint Fostaithe (Obair Pháirtaimseartha) 2001 tá na múinteoirí uile lánaimseartha, páirtaimseartha agus postroinnte lánchláraithe sa scoil/sna scoileanna incháilithe ar iarratas a dhéanamh ar phost an Chomhordaitheora TBSP beag beann ar stádas fostaíochta. **Tabhair faoi deara, led' thoil, gur post lánaimseartha amháin is ea an post TBSP.**

I bhfianaise an róil chriticiúil atá ag Príomhoide agus Príomhoide Tánaisteach i mbainistíocht fhoriomlán scoile, níl cead ag Príomhoide nó Príomhoide Tánaisteach dualgais Chomhordaitheora TBSP a dhéanamh agus níl siad incháilithe ar iarratas a dhéanamh ar an bpost TBSP.

Féadfaidh Príomhoide Cúnta agus Múinteoir Dualgas Speisialta cur isteach ar an bpost TBSP cibé roinnt nó a mhalairt. Mar sin féin, roimh sannacháin dá leithéid a dhéanamh, nó mór don bhFostóir a bheith sásta, chomh maith leis an bpost TBSP a chomhlíonadh go hiomlán, gur féidir leis an gComhordaitheoir TBSP dualgais an phoist fhreagrachta a dhéanamh go hiomlán, go cumasach agus go héifeachtúil. Ní mór iallach a chur ar an múinteoir a (h)aontú leis seo a dhearbhu ar an mbealach a leagtar amach sa Litir Sannacháin (Féach Litir Sannacháin Shamplach ag Aguisín C).

Ba chóir BB gach scoile atá páirteach i gcnuasghrúpa a chinntiú go sásaíonn na hiarrthóirí uile na critéir incháilitheachta sula gceadaítear dó/di dul ar aghaidh chuig céim an agallaimh.

2. An Post TBSP a Fhógairt

Ní mór post an Chomhordaitheora TBSP a fhógairt go himmheánach sna scoileanna uile sa chnuasghrúpa ó tharla go gceaptar an Chomhordaitheoir TBSP ó fhoireann na scoile(anna) atá sa chnuasghrúpa TBSP.

Ba chóir an fógra don phost a chur ar chlár fógraí na scoile i ngach ceann de na scoileanna ar a bhfreastalaíonn an post. (Féach Fógra Samplach ag Aguisín A)

Ina theannta sin, ba chóir fógra a chur chuig múinteoirí ar saoire neamhláithreachta. Ba chóir don bhFostóir gach comhfhreagras riachtanach a sheoladh chuig an múinteoir ag an seoladh is déanaí a thug an múinteoir le fios agus ní bheidh aon locht ar an bhFostóir más rud é nach bhfaigheann an múinteoir comhfhreagras dá leithéid.

Ní mór don bhfógra fanacht ar an gclár fógraí sa scoile/sna scoileanna ar feadh cúig lá scoile as a chéile. Áiríonn an tréimhse de chúig lá scoile an lá ar a bhfoilsítear fógra an tsannacháin mholta ar dtús.

Ní mór don bhfógra a rá:

- an dáta is déanaí le litir iarratais a fháil. Ní mór don dáta seo a bheith tráth nach luaithe ná deich lá scoile ón dáta deiridh ar a mbeidh an fógra in airde. Áiríonn an tréimhse de dheich lá scoile an lá deiridh ar a mbeidh an fógra in airde.
- na dualgais a ghabhann leis an bpost (mar atá in Aguisín F den Imlitir seo).
- ba chóir Curriculum Vitae a chur isteach.
- cibé an bhfuil tuairiscí nó eolas cáipéise eile de dhíth.

Níor chóir sonraí ar bith a thabhairt a d'fhéadfadh brí a bhaint astu a bheadh idirdhealaitheach ar cheann ar bith de na forais atá toirmiscthe ag na hAchtanna um Chomhionannas Fostaíochta 1998-2011 (i.e. inscne, stádas pósta, stádas teaghlaigh, náisiúntacht, cine, dath nó bunús eitneach, gnéaschlaonadh, aois, míchumas, creideamh, ballraíocht sa lucht siúil).

Má rud é nach ndéanann múinteoir ar bith sa scoil/sna scoileanna iarratas ar an bpost nó má tá deacracht ann le ball foirne a mhealladh don phost, ba chóir leas a bhaint as an bhFoireann Bhainistíochta Shinsearach chuig do Sheirbhísí Comhtháite de chuid BNLO, chun cuidiú le forbairt foirne ar an gceist, soiléiriú a thairiscint, aghaidh a thabhairt ar bhuarthaí srl. (féach Aguisín B do shonraí teagmhála)

3. An Próiseas Roghnúcháin

Ní mór agallamh a bheith ann don phost fiú mura bhfuil ann ach iarrthóir amháin. Ní mór bord agallaimh a bhunú chuige sin. Mar atá le haon sannachán teagaisc, ní mór cloí le hImlitreacha cuí na Roinne maidir le hearcaíocht/ath-implonú i sannachán Chomhordaitheoir TBSP.

Níl cead riamh, i gcúinse ar bith, múinteoir a shannadh ar bhonn sealadach ar feitheamh chríoch phróiseas an agallaimh chun post an Chomhordaitheora TBSP a líonadh.

4. Bord Roghnúcháin

Cé gur chóir ionadaithe a bheith ag na scoileanna uile sna cnuasghrúpaí ar an mbord agallaimh, níl sé inmholta níos mó ná triúr a bheith ann.

Nuair atá an post TBSP roinnte, ba chóir don bhord agallaimh iarracht a dhéanamh ionadaíocht a bheith ann ó gach scoil atá páirteach sa chnuasghrúpa (i.e. bunscoil, meánscoil, BOO, pobalscoil & scoil chuimsitheach), mar is cuí.

Ba chóir go léireodh an bord agallaimh ionadaíocht inscne sa mhéid agus is féidir.

Moltar go mbeadh Príomhoide ar scoil DEIS nó Comhordaitheoir TBSP le taithí ó chnuasghrúpa TBSP difriúil ar an mbord agallaimh más féidir.

Feidhmeanna ginearálta an Bhoird Agallaimh

Ní mór don bhord agallaimh:

- Critéir a bhunú, agus a thaifeadadh i scríbhinn, do mheasúnú ar iarrthóirí, le haird ar an reachtaíocht chuí agus ar riachtanais phost an Chomhordaitheora TBSP.
- Na hagallaimh a riar.
- Cloí le forálacha na n-Achtanna um Chomhionannas Fostaíochta, 1998-2011 agus Cód Cleachtais na Gníomhaireachta um Chomhionannas Fostaíochta, 1983 agus Cód Cleachtais an Údaráis Chomhionannais.
- Cúram faoi leith a ghlacadh ag an agallamh nach bhféadfaí aon cheisteanna, barúlacha nó ráitis a thuiscint mar idirdhealaitheach ar fhorais atá toirmiscithe ag na hAchtanna um Chomhionannas Fostaíochta 1998 – 2011.
- Gan breithniú nó ualú a thabhairt don eanáil ina bhfuil an t-iarrthóir ag teagasc.

5. Toradh phróiseas an agallaimh agus fógra d'iarrthóirí

A luaithe agus is féidir, nuair atá an próiseas earcaíochta i gcrích, ba chóir fógra a thabhairt don iarrthóir rathúil ar a s(h)annachán agus fógra a thabhairt d'iarrthóirí nár éirigh leo dá réir.

Ba chóir fógra a thabhairt láithreach d'Aonad um Chuimsiú Sóisialta na Roinne Oideachais agus Scileanna ar shannachán Chomhordaitheoir TBSP tríd an bhFoirm Shannacháin ag Aguisín D a líonadh.



Coinníollach Seirbhíse do phost an Chomhordaitheora TBSP

1. Lánaimseartha Múinteoirí ag glacadh phost an Chomhordaitheora TBSP

D'ainneoin an riachtanais do sholúbthacht laistigh de TBSP, coinneoidh an múinteoir atá sannaithe don phost TBSP coinníollacha seirbhíse a bhaineann lena p(h)ost substaintiúil, i gcás bhuanmhúinteora agus a bhaineann leis an gconradh ar théarma seasta, i gcás mhúinteora sealadaigh.

Fanann sé/sí fostaithe faoina c(h)onradh fostaíochta bunaidh le Bord Bainistíochta aonair do thréimhse 5 bliana a c(h)uis dualgas mar Chomhordaitheoir TBSP.

Is é an t-aon téarma nó coinníoll dá c(h)uid fostaíochta a athraíonn ar shannachán do ról an Chomhordaitheora TBSP ná nádúr a c(h)uid dualgas - is iad sin anois dualgais an Chomhordaitheora TBSP atá leagtha amach in Aguisín F den Imlitir seo.

2. Múinteoirí Páirtaimseartha ag glacadh phost an Chomhordaitheora TBSP

I gcás mhúinteoirí pháirtaimseartha, tarlaíonn na hathruithe seo a leanas ar feadh tréimhse an tsannacháin do phost an Chomhordaitheora TBSP:

- ní mór dualgais lánaimseartha TBSP a chomhlíonadh
- athraíonn nádúr a c(h)uid dualgas go dtí cinn phost an Chomhordaitheora TBSP mar atá leagtha amach in Aguisín F den Imlitir seo

3. Incháilitheacht le cur isteach ar phost freagrachta sa scoil bhunáite nuair atáthar ag obair mar Chomhordaitheoir TBSP

Tá Comhordaitheoir TBSP incháilithe ar a bheith ceaptha chuig post Dualgas Speisialta nó post Phríomhoide Chúnta ina scoil, nó é a choinneáil, faoi réir dhearbhaithe scríofa ón bhFostóir agus ón múinteoir go bhfuil sé/sí sásta gur féidir dualgais an phoist a chur i gcrích go hiomlán.

Tá Comhordaitheoir TBSP incháilithe ar a bheith ceaptha chuig post Phríomhoide Tánaistigh, ach beidh air/uirthi scaradh le post an Phríomhoide Tánaistigh go sealadach, agus é/í i bpost an Chomhordaitheora TBSP nó éirí as dualgais TBSP agus post an Phríomhoide Tánaistigh a ghlacadh. Nuair a scarann Príomhoide Tánaisteach lena p(h)ost go sealadach, is féidir Príomhoide Tánaisteach Gníomhach a cheapadh faoi réir Imlitreacha ábhartha na Roinne (féach www.education.ie).

Cuid a Ceathair



Sannachán chuig post an Chomhordaitheora TBSP

1. Litir Shannacháin

Sula ngabhfar do ról an Chomhordaitheora TBSP, ní mór Litir Shannacháin a bheith eisithe chuig an gComhordaitheoir TBSP ag an bhFostóir (BB/BOO) (i.e. scoil bhunáite).

Ba chóir don Litir Shannacháin a bheith sínithe ag Cathaoirleach an BB/Príomhfheidhmeannach an BOO agus go n-áireofaí Duilín Glactha inti, nach mór don Chomhordaitheoir TBSP dáta agus síniú a chur leis. Tá sé riachtanach an Duilín Glactha sínithe a chur ar ais chuig an BB/BOO sula ndéanfar sannachán do phost an Chomhordaitheora TBSP.

Ní mór cóip den Litir Shannacháin agus Duilín Glactha sínithe a choinneáil le taifid na scoile agus cóip eisithe chuig an gComhordaitheoir TBSP. Tá Litir Shannacháin shamplach iniata ag Aguisín C.

Ba chóir don Litir Shannacháin na nithe seo a leanas a áireamh:

- a) Deimhniú go bhfuil an sannachán do dhualgais TBSP ar feadh tréimhse 5 bliana amháin.
- b) Deimhniú, ar dhul in éag an tsannacháin TBSP, gur féidir leis an múinteoir sannaithe, mar a dhlíonn. Filleadh ar dhualgais mhúinteoireachta laistigh den scoil ina raibh sé/sí fostaithe, nó gur féidir teidlíochtaí a bheith acu faoi phainéil ath-implonaithe.
- c) Ról an Chomhordaitheora TBSP (féach Aguisín F).

2. Comhordaitheoirí TBSP atá ann cheana

Is féidir le múinteoirí a sannaíodh chuig post an Chomhordaitheora TBSP roimh eisiúint na hImlitreach seo, do thréimhse shannaithe aontaithe idir 3 agus 6 bliana, leanúint sa phost d'fhuilleach thréimhse an tsannacháin aontaithe amháin.

Maidir le Comhordaitheoirí TBSP a ceapadh roimh eisiúint na hImlitreach, áfach, nach mbeidh ach 3 bliana críochnaithe acu, faoina sannachán reatha do phost an Chomhordaitheora TBSP, is féidir, faoin Imlitir seo, iad a shannadh ar feadh 2 bhliain bhreise, agus an méid sin amháin (chun iomlán de 5 bliana a cheadú), sa phost faoi réir ag comhaontú leis an bhFostóir.

D'fhonn soiléirí a sholáthar do Chomhordaitheoirí TBSP atá ann cheana, áit nach bhfuil tréimhse shannacháin don phost TBSP comhaontaithe go dtí seo, nó mór don Chomhordaitheoir TBSP an tréimhse a aontú i scríbhinn lena F()hostóir gan mhoill agus ba chóir Litir Shannacháin chun na críche sin a shíniú le feidhm láithreach.

NÓTA:- Féadfaidh an Bainisteoir Sinsearach, Seirbhísí Comhtháite BNLO (TBSP) nó Cigireacht na Roinne a iarraidh cóip den Litir Shannacháin a fheiceáil.

Cuid a Cúig



TBSP - Socruithe Bainistíochta agus Tuairiscithe i Scoileanna DEIS

Ba chóir na socruithe a luaitear anseo thíos a bheith tuigte go soiléir ag na páirtithe lena mbaineann.

Bainistíocht ó lá go lá: Is ag Príomhoide/BB/BOO na scoile bunáite, mar Fhostóir, atá an phríomhfhreagracht as feidhmiú théarmaí agus coinníollacha phost an Chomhordaitheora TBSP, agus as bainistíocht agus treorú ó lá go lá ar obair an Chomhordaitheora TBSP. Mar sin féin, nuair a roinntear an post, tá dlúthchaidreamh oibre ag an Comhordaitheoir TBSP le Príomhoide/BB/BOO na scoile(anna) eile sa chnuasghrúpa maidir le TBSP agus ina rannpháirtíocht i bhfeidhmiú Phlean(anna) Gníomhaíochta DEIS na scoile(anna).

Cuntasacht: Tá an BB/BOO i ngach scoil cuntasach as an obair TBSP a dhéantar ina scoil. Áit a roinntear poist TBSP, cinntí an BB/BOO (na BBanna/BOOanna) sa chnuasghrúpa, i gcomhar leis an mBainisteoir Sinsearach Sheirbhísí Comhtháite BNLO cuí, na socruithe comhroinnte aontaithe le cur ar bun don phost.

Áitiúil/Náisiúnta: Aithnítear gurb é an caidreamh tuairiscithe foirmiúil don Chomhordaitheoir TBSP ná lena P(h)ríomhoide agus BB/BOO.

Tugadh sainordú don BNLO freagracht a ghlacadh as bainistiú, forbairt agus treorú na Scéime TBSP (agus an Chláir Críochnaithe Scoile), faoi réir bheartas na Roinne. Sa chomhthéacs sin, tá caidreamh oibre gairmiúil tábhachtach idir an Comhordaitheoir TBSP áitiúil agus foireann Bhainistíochta Sinsearach Sheirbhísí Comhtháite BNLO a dhéanann meantóireacht, a threoraíonn agus a chuireann comhairle ar scoileanna agus a gComhordaitheoirí TBSP i bhfeidhmiú na Scéime go háitiúil agus go náisiúnta. Tá sonraí teagmhála don fhoireann BNLO ar fáil ag Aguisín B.

Tá Aonad um Chuimsiú Sóisialta na Roinne freagrach as leithdháileadh na gComhordaitheoirí TBSP agus leithdháileadh an mhaoinithe DEIS. Tá gach scoil cuntasach don Roinn ina leith seo.

Cuid a Sé



Tacaíocht airgeadais do scoileanna mar rogha ar sheirbhísí phost an Chomhordaitheora TBSP

Áit nach bhfuil scoil in ann leas a bhaint as Comhordaitheoir TBSP mar thoradh ar a suíomh geografach agus fad ó scoileanna DEIS eile, eisítear leibhéal ceadaithe de thacaíocht airgeadais don scoil ar bhonn bliantúil chun tacú le gníomhaíochtaí TBSP. Is féidir le scoileanna úsáid a bhaint as an deontas seo chun múinteoir páirtaimseartha a fhostú/shannadh chun ról an Chomhordaitheora TBSP a ghlacadh.

Treoirínte ar úsáid an deontais TBSP

Leithdháiltear an deontas TBSP chun tacaí spriocdhírthe a chur ar fáil, trí fhorbairt an chomhoibrithe agus na comhpháirtíochta idir tuismitheoirí agus múinteoirí leanaí atá i mbaol an mhíbhuntáiste oideachais agus na luathfhágála scoile. Bíonn réimse de chúrsaí agus imeachtaí do thuismitheoirí ann, ina n-áirítear gníomhaíochtaí fóillíochta, forbairt phearsanta agus scileanna tuismitheoireachta, breisoideachas, chomh maith le tacaíocht le foghlaim a bpáistí

Is féidir an deontas a úsáid freisin:-

- Chun seomra tuismitheoirí a bhunú agus a choinneáil, seachas caiteachas caipitil
- Chun costais taistil a íoc leis an gComhordaitheoir TBSP áitiúil a tabhadh i gcomhlíonadh dualgas (cuartaíocht bhaile, freastal ag cruinnithe chnuasghrúpa, Forbairt Ghairmiúil Leanúnach (FGL)). Faigheann FGL náisiúnta do Chomhordaitheoirí maoiniú lárnach ón BNLO agus an Roinn Leanaí agus Gnóthaí Óige (RLGÓ). Íocann scoileanna a gcion le FGL trí chostais taistil a chlúdach ó dheontas DEIS na scoile (*Féach Imlitir 07/2009 de chuid na Roinne Airgeadais do na rátaí cuí*)
- Chun tacú le hoiriúnú an churaclaim agus na modheolaíochtaí teagaisc chun freastal ar riachtanais na leanaí aimsithe
- Chun acmhainní cuí/ceadaithe a cheannach do ghníomhaíochtaí TBSP

Is riachtanas é go gcaithfear íosmhéid de **10%** den deontas bliantúil DEIS chuig gach scoil a leithdháileadh freisin le húsáid ar ghníomhaíochtaí TBSP.

NB: Faoi réir Ailt 18 den Acht Oideachais 1998 iarrann an Roinn ar scoileanna, seachas scoileanna BOO, leanúint de thaifid a choinneáil de na gníomhaíochtaí ar fad a rinneadh, ábhair agus acmhainní a ceannaíodh le deontais. Ba chóir cuntais ar ioncam agus caiteachas a choinneáil sa scoil

agus a chur ar fáil, má lorgaítear iad, d'oifigh na Roinne Oideachais agus Scileanna agus/nó Oifig an Ard-Reachtair Cuntas agus Ciste.

Faoi réir Ailt 51 den Acht um Boird Oideachais agus Oiliúna 2013 iarrann an Roinn go gcoinneofar cuntais BOO ar ioncam agus ar chaiteachas agus go gcuirfear ar fáil iad ó am go ham d'oifigh na Roinne Oideachais agus Scileanna.

Aguisín A

Fógra Samplach do phost an Chomhordaitheora TBSP



Dáta an Fhógra:-

Lorgaítear iarratais do shannachán mar Chomhordaitheoir Teagmhála Baile, Scoile agus an Phobail

Ar bhonn comhroinnte chuig na scoileanna seo a leanas (má bhaineann):

1. _____
2. _____
3. _____

Le feidhm ó: _____

Ba chóir Litir iarratais lena n-áirítear Curriculum Vitae a sheoladh chuig:

R-phost:- _____

NB: Glacann an BB le hiarratais le r-phost nó i gcóip chrua. (Ba chóir é a bheith i gcóip chrua nó le r-phost - ní an dá cheann).

Is é an dáta deiridh le hiarratais ná **5 pm** ar _____

Tá an cháipéisíocht ábhartha seo a leanas ar fáil ar shuíomh na Roinne:-

- Imlitir 0058/2013 na Roinne Oideachais agus Scileanna **“Sannachán Chomhordaitheoirí TBSP laistigh de scoileanna DEIS”**
- Jabthuaisc/Ról an Chomhordaitheora TBSP (San áireamh in Imlitir 0058/2013)
- **“Leabhrán Eolais do scoileanna DEIS ag glacadh páirt sa Scéim TBSP”**

Síniú _____

Aguisín B

Sonraí Teagmhála

Aonad um Chuimsiú Sóisialta

Roinn Oideachais agus Scileanna

Cor na Madadh

Baile Átha Luain

Co. na hIarmhí

Freagrach as: riaradh agus leithdháileadh phoist TBSP agus dheontais DEIS chuig scoileanna

Guthán:- 090 6483764

R-phost:- social_inclusion@education.gov.ie

Facs:- 090 6483844

Bord Náisiúnta Leasa Oideachais (BNLO)

16-22 Sráid na Faiche

Baile Átha Cliath 7

Duine Teagmhála: Elaine O'Mahoney

Freagrach as: cumarsáid

Guthán:- 01 8738700 R-phost:- elaine.omahoney@newb.ie

Facs: 01 873 8799

Foireann Bhainistíochta Shinsearach Sheirbhísí Comhtháite BNLO (TBSP) mar seo a leanas:-

- **Marian Heeney**
Guthán:- 087 2221297 R-phost:- marian.heeney@newb.ie
- **Fionnuala MacAonghusa**
Guthán:- 086 0423947 R-phost:- fionnuala.macaonghusa@newb.ie
- **Maria Tobin**
Guthán:- 086 4119336 R-phost:- maria.tobin@newb.ie

Ionad Oideachais Bhaile Átha Cliath Thiar (Oifig Riaracháin TBSP)

Sean-Bhóthar Bhaile Coimín

Sráidbhaile Tamhlachta

Baile Átha Cliath 24

Duine Teagmhála: Mary Dunne

Guthán:- 01 4528000

R-phost:- mdunne@dwec.ie

Aguisín C

Litr Shannacháin Shamplach do phost an Chomhordaitheora TBSP (is féidir í seo a chur in oiriúint de réir riachtanais na scoile)

Ainm an Mhúinteora: _____

Ainm na Scoile: _____

Uimhir Rolla. _____

A _____, a chara,

Toilíonn an BB/BOO tú a shannadh mar Chomhordaitheoir TBSP ar feadh tréimhse 5 bliana, chun dualgais lánaímseartha a chomhlíonadh i ról an Chomhordaitheora TBSP bunaithe sa scoil thuasluaite ón _____ lá de _____ (mí) 201X go dtí an _____ lá de _____ (mí) 201X.

Ní mór duit do dhualgais agus do fhreagrachtaí a chomhlíonadh faoi réir le hábhar Imlitir na Roinne 0058/2013 – “**Sannachán Chomhordaitheoirí TBSP laistigh de scoileanna DEIS**”, beartais an BB/BOO agus na Rialacha do Scoileanna Náisiúnta.

Is é seo a leanas an cnuasghrúpa de scoileanna a ndéanfaidh tú freastal orthu i do ról mar Chomhordaitheoir TBSP:-

Féadfaidh an Roinn athrú a dhéanamh ar na scoileanna seo ar a mbeidh tú ag freastal le linn tréimhse an tsannacháin seo.

Fanann téarmaí agus coinníollacha d'fhostaíochta mar atá ach amháin maidir le nádúr na ndualgas atá le comhlíonadh agat mar Chomhordaitheoir TBSP (Féach Aguisín F)

Is ag Príomhoide/BB/BOO na scoile bunáite, mar Fhostóir, atá an phríomhfhreagracht as an sannachán seo, lean n-áirítear a bhainistiú ó lá go lá. Mar sin féin, áit a roinntear post an Chomhordaitheora TBSP, tá dlúthchaidreamh oibre agat le Príomhoide/BB/BOO na scoile(anna) eile sa chnuasghrúpa maidir le TBSP agus ina rannpháirtíocht i bhfeidhmiú Phlean(anna) Gníomhaíochta DEIS na scoile(anna).

Coinníonn an BB/BOO an ceart aige féin d'fhostú mar Chomhordaitheoir TBSP a chríochnú, mar thoradh ar mhí-iompar nó ar aon chúis iomchuí eile, faoi réir na nósanna imeachta comhaontaithe don

earnáil, má bhaineann. Má tharlaíonn críochnú agus faoi réir na bhforálacha reachtúla ábhartha, ní bheidh aon teidlíocht agat as pá nó cúiteamh ar bith ach amháin maidir le pá as obair a rinneadh roimh an chríochnaithe.

Is féidir do shannachán mar Chomhordaitheoir TBSP a chríochnú:

- Má athraíonn an Roinn an leithdháileadh TBSP do scoileanna
- Má chuirtear cosc ar phost sa scoil

I gcás dá leithéid, (ach amháin má dhéantar críoch nó smachtú, faoi réir na sonraí a luaitear thuas) is féidir leat filleadh ar do phost múinteoireachta bunaidh nó a bheith faoi réir ag socruithe ath-implonaithe atá ar bun, má dhlítear.

I gcás dualgas speisialta/post freagrachta, ní mór na dualgais seo a chur i gcrích go hiomlán, go cumasach agus go héifeachtúil a fhad is atá tú sa phost TBSP.

ARNA SHÍNIÚ ar son an Fhostóra

Dáta: _____

BB/BOO na Scoile

DUILÍN GLACTHA

Agus ábhar na Litreach Sannacháin dar dáta _____ agus ábhar na hImlitreach 0058/2013 “Sannachán Chomhordaitheoirí TBSP laistigh de scoileanna DEIS”, léite agus nótaílte agam, aontaímse _____ (ainm an Chomhordaitheora TBSP) le téarmaí an tSannacháin TBSP.

ARNA SHÍNIÚ AG AN gCOMHORDAITHEOIR TBSP

DÁTA:

Ainm na Scoile Bunáite:

Uimhir Rolla na Scoile Bunáite

Aguisín D

FOIRM SHANNACHÁIN DO PHOST AN CHOMHORDAITHEORA TBSP

Ainm agus Seoladh an Scoile Bunáite	Uimh. Rolla an Scoile Bunáite	Má roinntear an post TBSP idir chnuasghrúpa de scoileanna, tabhair liosta d'ainmneacha na scoileanna eile thíos

Ainm an Chomhordaitheora TBSP Nua-Shannaithe	Uimhir PSP	* Tréimhse an tSannacháin i.e. dáta sannaithe leis an bpost TBSP do dtí dáta deiridh an tsannacháin	Ainm an Chomhordaitheora TBSP atá á (h)ionadú	Má tá an sannachán nua TBSP le saoire tinnis/mháithreachais a chlúdach srl. tabhair sonraí anseo
		Dáta sannaithe: Dáta/Mí/Bliain Ó: / / Go: / /		

* **Nóta:** Ba chóir múinteoir a shannadh le post an Chomhordaitheora TBSP do thréimhse 5 bliana amháin.

Síniú an Phríomhoide Scoile (Scoil Bhunáite): _____ Dáta: _____

Ba chóir an Fhoirm Chomhlánaithe (ag an Scoil Bhunáite) a sheoladh, roimh dháta sannacháin an Chomhordaitheora TBSP, chuig:-
Aonad um Chuimsiú Sóisialta, Roinn Oideachais agus Scileanna, Corr na Madadh, Baile Átha Luain, Co. na hIarmhí.

Aguisín E



Tréithe an Chomhordaitheora TBSP

“Tá tiomantas neamhleithleach na foirne TBSP ríthábhachtach don Scéim TBSP. Feidhmíonn comhordaitheoirí, ní hamháin mar chaidreamh idir na scoileanna, múinteoirí, tuismitheoirí agus pobail ach freisin mar tacadóirí le comhpháirtíocht agus comhoibriú chomh maith le tiománaithe ar an réimse gníomhaíochtaí a dtacaíonn an scéim leo.” Mary Hanafin, Aire Oideachais agus Eolaíochta 2005

Ní mór do Chomhordaitheoirí TBSP:

- ✓ Tiomantas a bheith acu do leanaí ag forbairt a gcuid inniúlachta go hiomlán.
- ✓ Tiomantas a bheith acu do thuismitheoirí ag forbairt a gcuid cumais mar phríomhoiliúnóirí a bpáistí.
- ✓ An cumas agus an toilteanas a bheith acu caidreamh gairmiúil dearfach a chruthú le tuismitheoirí, daltaí, príomhoidí, foirne agus páirtithe leasmhara, d’fhonn difríocht dhearfach a dhéanamh do thaithí linbh ar scoil.
- ✓ A bheith suas le dáta ar thaighde fianaise-bhunaithe ar a n-oibríonn chun cuidiú le leanaí freastal, páirt a ghlacadh san fhoghlaim agus a bheith coinnithe sa chóras.
- ✓ Cumas a bheith acu tuiscint a bheith acu na riachtanais agus na deacrachtaí a bhíonn ag teaghlaigh agus pobail ar an imeall agus a bheith in ann pleananna a chur ar bun chun freagairt ar na riachtanais sin.
- ✓ Cumas a bheith acu obair ar bhealach idirghníomhaireachta agus idirdhisciplíneach.
- ✓ Cumas a bheith acu monatóireacht a dhéanamh ar thionchar na n-idirghabhálacha a chuirtear ar bun chun tacú le tuismitheoirí agus leanaí agus chun torthaí feabhsaithe a léiriú.
- ✓ Cumas a bheith acu a bheith i gceannas agus acmhainn foirne a thógáil.

Aguisín F



Jabthuaisc/Ról an Chomhordaitheora TBSP

Ní mór don Chomhordaitheoir TBSP:

- Spreagadh, tacaíocht agus éascú a thabhairt do chomhpháirtíocht idir tuismitheoirí agus múinteoirí in oideachas a bpáistí.
- Obair leis an bhfoireann chun tuiscint a fhorbairt ar mhíbhuntáiste oideachais agus cuir chuige agus modheolaíochtaí nuálaíocha a chothú chun aghaidh a thabhairt air.
- Rannpháirtíocht na dtuismitheoirí a fhorbairt agus a chothú go honnghníomhach mar chuid dhílis de phróiseas forbartha/pleanála DEIS na scoile agus, ina gcuid oibre, tacú le forbairt, feidhmiú agus athbhreithniú ar an bPlean Gníomhaíochta DEIS.
- Struchtúir a bhunú chun riachtanais na dtuismitheoirí a aithint.
- Obair le tuismitheoirí chun iad a ullmhú agus chun tacú leo mar acmhainn dá leanaí féin agus freisin don phobal scoile níos leithne.
- Cuairt a thabhairt ar theaghlach scoláirí d'fhonn:
 - Naisc iontaoibhe a thógáil idir baile agus scoil.
 - Tuismitheoirí a ghríosadh le bheith páirteach in oideachas a leanaí.
 - Eolas a thabhairt faoin scoil agus faoi sheirbhísí atá ar fáil sa phobal.
 - Ceannairí tuismitheoirí ionchasacha a lorg, atá sásta a bheith páirteach i ngníomhaíochtaí na Scéime TBSP agus a bheith mar acmhainn ag tuismitheoirí eile.
 - Monatóireacht a dhéanamh ar éifeachtúlacht na n-idirghabhálacha atá curtha ar bun.
- Soláthar a éascú do chlár fóillíochta, curaclaim, tuismitheoireachta agus forbartha pearsanta do thuismitheoirí.
- Obair leis an tSeirbhís Leasa Oideachais (SLO) agus an Clár Críochnaithe Scoile (CCS) ar bhealach aontaithe, chun aghaidh a thabhairt ar shaincheistean, a mbíonn drochthionchar ar thinreamh, rannpháirtíocht agus coinneáil na leanaí atá i mbaol an mhíbhuntáiste oideachais agus na luathfhágála.
- Páirt a ghlacadh, cuir le, agus tacú le beartas agus cleachtas sheirbhísí comhtháite an BNLO.
- Struchtúir chuí a bhunú agus a cothabháil chun cuidiú le rannpháirtíocht tuismitheoirí i bhfoghlaim a bpáistí ar scoil agus sa bhaile i réimse amhail an litearthacht, an uimhearthacht, cúrsaí fóillíochta/curaclaim, forbairt phearsanta, tuismitheoireacht, léitheoireacht chomhroinnte srl.

- Oiliúint ar thuismitheoirí mar cheannairí pobail agus mar thaca do thuismitheoirí eile a éascú.
- Caidreamh a dhéanamh le gníomhaireachtaí deonacha agus reachtúla sa phobal.
- Bunú/cothabháil/ranpháirtíocht sa Choiste Oideachais Áitiúil a fhéachann le freagairt do shaincheisteanna a bhaineann le scoil ag leibhéal an phobail, a mbíonn drochthionchar acu ar an bhfoghlaim, agus féachaint le haghaidh a thabhairt ar na saincheisteanna sin, trí obair i gcomhpháirt le thuismitheoirí, scoláirí, gníomhaireachtaí deonacha agus reachtúla.
- Comhpháirtíocht a éascú le múinteoirí, thuismitheoirí, daltaí agus gníomhaireachtaí pobail i bhforbairt pholasaithe scoile.
- Idirghabhálacha agus cláir TBSP a phleanáil, monatóireacht a dhéanamh orthu agus meastóireacht a dhéanamh orthu.

Aguisín G

Ceisteanna Coitianta

Cad í tréimhse an tsannacháin don Chomhordaitheoir TBSP?

Ní shannófar múinteoir do phost an Chomhordaitheora TBSP ach ar feadh tréimhse 5 bliana amháin.

An féidir le Comhordaitheoir TBSP iarratas a dhéanamh ar phostroinnt?

Ó tharla gur post lánaimseartha é TBSP, ní mór do Chomhordaitheoirí TBSP éirí as post an Chomhordaitheora TBSP más mian leo postroinnt. Más mian le múinteoir atá ag postroinnt post an Chomhordaitheora TBSP a ghlacadh ní mór dó/dí dul ar ais ar dualgas ar bhonn lánaimseartha.

An féidir le Comhordaitheoir TBSP iarratas a dhéanamh ar shos gairme a thógáil?

Is féidir le Comhordaitheoirí TBSP iarrtas a dhéanamh ar neamhláithreacht shos gairme. Ach nuair a fhilleann sealbhóir an phoist TBSP ón sos gairme ní fhilleann siad ar an bpost TBSP ach ar a bpost substaintiúil sa scoil, má tá an post fós dlíte.

An féidir post an Chomhordaitheora TBSP a líonadh má tá neamhláithreacht ann?

Má tá an Comhordaitheoir TBSP as láthair, ba chóir clúdach don neamhláithreacht a scrúdú ar bhunús cás ar chás ag tógáil fad féideartha na neamhláithreachta san áireamh.

Fógraítear an post TBSP sa scoil nó sa chnuasghrúpa de scoileanna faoi réir na nósanna imeachta atá san Imlitir seo. Measfar sa ghnáthchúrsa gurb í an scoil ina bhfuil an t-iarrthóir rathúil ag teagasc faoi láthair an scoil bhunáite do phost an Chomhordaitheora TBSP. Cuirtear clúdach ionaid ar fáil chun neamhláithreacht an Chomhordaitheora TBSP ionaid sa seomra ranga a chlúdach. Mar shampla, beidh na rialacha agus na nósanna imeachta atá san Imlitir seo i bhfeidhm i gcás ina líontar post an Chomhordaitheora TBSP do neamhláithreacht um shaoire mháithreachais.

Bunaithe ar a bhfuil san Imlitir seo, más rud é nach bhfuil múinteoir atá cáilithe mar is cuí ar fáil chun an post TBSP a líonadh ó laistigh den chnuasghrúpa do neamhláithreachtaí dá leithéid, is féidir leis an BB/BOO i gcúinsí eisceachtúla ligean do mhúinteoir ionaid atá cáilithe go hiomchuí, atá cláraithe leis an gComhairle Mhúinteoireachta le taithí teagaisc trí bliana, a mheastar a bheith ina (h)iarrthóir oiriúnach, post speisialtóra an Chomhordaitheora TBSP a líonadh.

An bhfuil an scoil i dteideal múinteoir ionaid a cheapadh nuair atá an Comhordaitheoir TBSP as láthair mar thoradh ar fhreastal ar Fhorbairt Ghairmiúil Leanúnach?

Níl, ní féidir leis an scoil múinteoir ionaid a cheapadh in ionad ar Chomhordaitheoir TBSP atá as láthair ag Forbairt Ghairmiúil Leanúnach.

Cad a tharlaíonn má thagann folúntas i bpost an Chomhordaitheora TBSP i lár scoilbhliana?

Má tharlaíonn folúntas TBSP i rith na scoilbhliana, ba chóir an post a líonadh láithreach, faoi réir na nósanna imeachta atá san Imlitir seo. Tá líonadh aon fholúntais a leanann dá bharr faoi réir ag na socruithe earcaíochta/ath-implonaithe atá i bhfeidhm.

Má roinntear post an Chomhordaitheora TBSP idir cnuasghrúpa de scoileanna, cé tá freagrach as an sealbhóir poist?

Fanann freagracht an Chomhordaitheora TBSP leis an bhFostóir, is é sin BB/BOO na scoile bunáite. Le haghaidh tuilleadh sonraí, féach Cuid a Cúig den Imlitir seo dar teideal “**TBSP – Socruithe Bainistíochta agus Tuairiscithe i Scoileanna DEIS**”.

Cad é an socrú do phost TBSP atá roinnte idir scoileanna?

Tá sé de fhreagrachta ar BBanna na scoileanna teacht ar shocrú maidir le roinnt an phoist TBSP. Má bhíonn deacrachtaí ag scoileanna teacht ar shocrú comhaontaithe, ba chóir dóibh dul i dteagmháil lena mball foirne ábhartha ar Fhoireann Bhainistíochta Shinsearach Sheirbhísí Comhtháite BNLO (TBSP). Tá sonraí teagmhála ag Aguisín B.

Ba chóir tuilleadh fiosruithe a chur le r-phost chuig:- social_inclusion@education.gov.ie nó le glaoch gutháin ar an Aonad um Chuimsiú Sóisialta ag 090 6483764.